

СЕРАФИМ
ПОПОВ



М УСАУН



Мир

СЕРАФИМ
ПОПОВ

МУСЛУН



КЫВБУРЪЯС

КОМИ КНИЖНОЙ ИЗДАТЕЛЬСТВО
СЫКТЫВКАР 1970

«Муслун» — тӧдчана коми поэт Серафим Алексеевич Поповлӧн выль книга, кытчӧ пырисны бӧръя кӧкъямыс воӧн гижӧм кывбуръяс. Вӧр-ва динӧ, миян мелі да стрӧг парма динӧ, чужан Коми му динӧ, татчӧс повтӧм да лышкыд йӧз динӧ муслун кылам ми быд гижӧдысь. Поэтлӧн сьӧлӧмыс восьса, кыпыд, эскӧдысь, но сійӧ тшӧтш и кӧсйӧ, «медым олӧ... лӧглун сэтчӧдз, кытчӧдз ловъя кольӧ дой», медым лӧглуныс зырис став омӧльсӧ, бурыслы торкасьысьсӧ.

Книгаын куим юкӧн, кодъяс ӧта-мӧдныскӧд йитчӧмаӧсь тыдалана поэтической визьӧн — сы вӧсна тӧждысьӧмӧн, медым морт век бура нуис асьыс олан могсӧ.

Книгаын унакодъ кывбур и миян Сӧветскӧй мулӧн мукӧд пельӧсьяс йылысь, а сідз жӧ рубеж сайӧ ветлігӧн адзывлӧмторъяс йылысь.

Сер. Поповлӧн уна кывбур лоис сыланкывйӧн. Найӧ пырисны жӧ тайӧ книгаас.

КОМИ МУ

Пожӧма яг весьтӧ ӧшйӧма енӧжлӧн йирыс,
Пыксӧма сылань веж кудриа юрнас быд пу.
Пармалӧн шувгӧмӧн, шондӧн, лысваӧн, сирӧн,
Кылан, кыз кыпыда лолалӧ став Коми му.

Кодзувъяс, дивӧ кодъ кодзувъяс дзоргӧны войын,
Усьӧ кор эрд вылӧ юсь гӧнысь кокниджык лым.
Нывъяслӧн муслун да зонъяслӧн сывъясян сойыс
Войвылын, шуӧны, пыр медся крепыд да пым.

Вӧралан ордымъяс кыссьӧны уна виль карӧ,
Кыйсьысьӧс виччысьӧ сэн ӧмидз вом дора ныв.
Пожӧма яг весьтын сыланкыв юралӧ бара,
Тайӧ том му йылысь шуда да том сыланкыв.

Войвывлӧн мич тэнад сьӧлӧмад век кежлӧ пырис,
Сэсся кӧть кытчӧ тэ сы дӧнысь бокӧ он мун,
Паметьсьыд куслывтӧм кыалысь серпас он бырӧд,
Эзысь Печоралӧн вынйӧрыс некор оз вун.

МЕДБӨРҖЯ ЧӨВЛУН

Куржөвитөм кыз пуяс сулалөны чөла,
Ошйөма быд чаль вылө эзысь прөшви-көв.
Еджыд эшкын улө пырөм Вуктыл пөлөн
Водзө менө нуө дыша рөдтысь вөв.
Вөр-ва лөня узьө, нинөм дзик оз вөрзья,
Дзуртө сөмын, кыла, додь сюв улын юж.
Колльөдчысь, эн чөв ов!

Сьыланкывйөн вөрзьөд,
Мича мойд көть висьтав, сьывны кө он куж.
Гашкө, збылысь бурджык лөня вуджны вөлөк,
Медбөрьяысь кывны, мый сэтшөмыс чөв...
Швичкө вөжжи пөмыс:

— Колтөсь, дышмөм өлук,
Өтчыдысь көть воськовтө тэрыбджыка чөвт!
Колльөдчысьөс асьсө топөдө нин йирмөг,
Көдзыдсьыс оз мезды шоныд ыж ку пась.
— Пөрысь мортыд — пөрысь... Сьөлөмөй
нин виртөм...

А өд коркө вөвлі... Тэ нө абу тась?..

— Абу,— шуа.

— Аддза... Сідзкө, эскан налы,

Көдзыд муысь кодьяс корсьөны тась би?

Енмыслы нө мыйла колө сувтны паныд?

Му пытшкөсса битөг... пыр тай овлім ми...

Со мый, вөлөм, дедлысь муссө талун зыртө,

Гөгөрвоа, коді кутө мекөд туй!

Ыджыд зыкө талун колльөдчыськөд пырны

Мөд енмыдлы эскысьыдлы дерт жө нин оз туй...

— Аслам менам пиөй на дінө жө пышйис...

Заводитлі кутны... Но эз тырмы вын...—

Чужөм вывсьыс дедө синва войтсө чышкис.

Синва? Гашкө, синва... Гашкө, вөлі лым...

Парма весьтті кывтіс чарла джынъя төлысь.

Ошалис быд пу вылын эзысь прөшви-көв.

Еджыд эшкын улө пырөм Вуктыл пөлөн

Медбөрьяысь ыждалис нәмөвөйся чөв.

ВУКТЫЛ

Некодӱс эз вердывлы,
Некодӱс эз юктавлы,
Кывтӱс парма-эрд вывти
Енмӱн ёрӱм Вуктылным.

Гашкӱ, ӱти вӱралысь
Татчӱ ӱтчывд кежалӱс,
Джуджывд Урал гӱралы
Сӱйӱ сӱмын вежалӱс.

Шуштӱмлуннас повзӱдлӱс
Пӱткаӱс и войтырӱс.
Сӱд ном сӱмын ловзӱылӱс
Тайӱ помтӱм койт вылас.

Бӱрӱ нэмъяс кывтӱсны
Радлунӱн да синваӱн,
Налӱн бордъяс-сывъясыс
Вуктылӱдз эз инмывны.

Сылысь эрдсӱ вуджа ме
Талун вездеход вылын,
Вышкаяслӱн вуджӱръяс
Ельяс вомӱн водӱсны.

Вӱвлӱмторсӱ орӱда
Зэв дыр кымӱм пу вылысь...
Вуктыл нимысь гораджык
Абу, гашкӱ, му вылын.

ӱти шондӱ миянӱс
Гӱлиника шонтылӱс.
Шуда йӱзлӱн пиянлы —
Вуктыллӱн выль шондӱыс!

ЗАВИДЬЛУН

Завидьлунон ме зэв важон вся,
 Но лекарствояс врачлысь ог кор...
 Тода,

чутысь на ичөтджык бисянь
 Арттягачлөн тшөтш ловзьö мотор.

Сылөн помасис воинскöй служба,
 Вына сьөлöмыс зэв на көть бур:
 Бордъя вöв дорысь öдйöджык вуджö
 Сийö зэв паськыд Вуктылса нюр.

Сэни ловзьöны төрытья мойдъяс,
 Сэтчöс сынöдыс чардбион тыр.
 Менсьым сьөлöмöс зильлуннас дойдö
 Рочөн сёрнитысь том багатыр.

Миян Пера кодъ зэв ыджыд шлема,
 Киас кутö оз шы,— электрод.
 Мыйла, шогсьöмөн мөвпалö ёма,
 Ковмис войтырлы газопровод?

Менö ачымöс завидьлун йирö,
 И дзик некодысь сийöс ог дзёб:
 Кутис, тыдалö, көдзавны вирöй,
 Оз кө лöсяв нин чорыд брезент.

Медым сөрöны öткымын дышъяс:
 Абу уджын пö мортыдлөн шуд!
 Эз кө пöсявлы Вуктылын мышкöй,
 Тайö кывбурыс, гашкö, эз чуж!

ПАРМАСА ПРИНЦЕССА

Сьод синма Инесса
Вöрын олö-вылö,
Пармаса принцесса
Уджалö да сьылö.
Мичмöдны выль керка
Кодлысь ковмас мелөн,—
Вöчны сійö вермас,
Некод мед оз велöд.
Татшöм оланінö
Любöпырысь пыран...
Ой, Инесса-Ина,
Едждöма тшöтш нырыд!
Кокни шутка-кывйид
Нылöс, дерт, оз лёкöд,
Босьт кöть öнi сывъяд
Да зэв пöся окав!
Но эн ёна тэрмась,—
Абу öд тэ челядь!—
Сетыштны на вермас
Луданаджык пеляд.
Кор Инесса вöччас,—
Видзöдлыны любö!—
Быд зон пыр жö вöтчас
Сы бöрся выль клубö.
Карса нывъяс, волöй
Ылыс Вуктыл дорö,
Кöнi удж и олём
Юргö кыпыд горөн.
Сьод синма Инесса
Танi олö-вылö,
Пармаса принцесса
Уджалö да сьылö!

ПОСЕЛОКЫН ВОЙ

Сувтисны вагонъяс өти радө,
Локтöны мудз зонъяс стройотрядысь,
Мыссьöны да вöччöны, кызд колö,
Тані налөн удж и тані олöм.
Ставыс сідз,

кызд овлывлö походын:
Öти лыддысьö, а мöд нин водö,
Коймöд, гашкö, муса нывлы гижöд
Вуктылсянь пöсь чолöмъясөн гижö.
Аски зев водз кыпöдчасны зонъяс,
Эновтасны ассьыныс вагонъяс,
Бара туйö,

бара пемыд вөрö,
Водзті кöні шöйтис öтнас йöра...
Збыльысь подвиг öнi тані чужö —
Нюръяс вомөн газопровод вуджö,
Биа югөр регыд кутас койны
Му пасьтала миян чужан Войвыв.
Öнi вой...

И морт, и парма узьö,
Весиг парма кылö ассьыс мудзöм,
Музыкаөн баййöдлö эфирыс...
Эм-ö татшöм мичлун ыджыд мирын!

КЫВТӨ ЕНЭЖТІ КӨДЗЫД КЫМӨР

Кывтө енэжті көдзыд кымөр,
Бара паръялө кокни лым.
Он и веритөй,—
Ыджыд гымысь
Скөр Печораным талун пым!

Сійө некор эз сетчыв мортлы —
Еджыд бурсыя, клячтөм вөв.
Аддза, дорёны менам ёртъяс
Сылы крепыд нель көртвом-көв.

Найө босьтисны зэлыд кытшён
Кузьдібөж бердысь гудыр йир,
Медым некутшөм чөрт эз мытшав
Вуктыл пыдөсысь локтысь вир.

Воас кад сылы факел-биён
Ленин кар шөрын лоны тшөтш.
Абу грек сэки босьтны киө,
Важ ног пөрөдны брага көш.

Арся гымысь став сынөд вөрө,
И Печораыс быттьө пым,
Водолаз весиг пөрччө дөрөм...
Лөсьыд, усьө кор первой лым!

БУРИЛЬЩИКЪЯС ЙЫЛЫСЬ БАЛЛАДА

Бурильщиклөн чужан лун воис,
А сьёлёмсьыс дойыс оз бурд...
Выль скважина пыддөсө лои
Друг эновтны зэв дона бур.

И мыжа, и абу көть мыжа
Бригадаён веськөдлысь зон,
Но мустёммис праздничной пызан
И пөръясьны вельмём девон.

Шог пөдтөны кодъяскө спиртөн,
Но шудтём бурильщик эз ю,
А вой шөрөдз чужёмсьыс ниртис
И яндзим, и курдөдём нюм.

Эз вермы, дерт, думыштны сийө,
Кызд вөрзёддө өтувья мог,
А кодлөнкө дась вөлі кыс
Тшөтш юкны и радлун, и шог.

Мед сёрөн, но праздникыс воис,
И козиныс лои зэв бур:
Бурильщикъяс локтисны войын
Да вайисны сибдылём бур.

Алмазъяснас дзирдалис-өзйис
Долотолөн руалан пом,
А дружбаыс пармаса йөзлөн
Алмаз серти вөлі на ён.

И праздничной пызаныс шудён
Да радлунён тшөтш вөлі тыр,
Выль мортлысь выль оласног
чужём
Тан пасйисны кызь багатыр.

ПАРТОРГ

Парторг оз узь,
Көть важөн шойччан кад
И бара узьтөг
Кольё сылөн войыс:
Выль вахта вылө мунө
Выль отряд,
Кызд петёны салдатъяс
Ыджыд бойё.
Тан збыльысь бой,—
И би, и гым, и тшын,
И уйёны бульдозерьяс
Пыр водзё.
Мед вöрыс помтём,
Муыс измём кын,
Но Вуктыл вöсна
Ставсё сетны позьё...
И сийё петё
Вой улё жё тшöтш
Партийнöй кывйөн
Сьөлөмъясöдз воны.
Мед енэж шöрас
Кынмө Ыджыд Кöш,
А сылөн öти кывйысь
Йöзлы овлө шоныд.
И ковмас кө, оз шу,
Мый босьтис мудз,
Көть öни каяс
Джуджык вышка йылөдз,
Көн чизыр вой төв
Сы моз жё оз узь
Да парма вылас
Скöралөмөн сьылө.
Бурильщикъяслы
Сетöма приказ
Дзор Вуктыл гыркö
Уна бурён пырны,
Мед ыджыд вынөн
Сэни пессьысь газ
И енэж вевтсö
Шонтыны тшöтш тырмис.

Ме тōда, сьōкыд зэв,
Но некодлы парторг,
Мый сьōкыд,
Сы йылысь оз висьтав...
Эм Му шар вылас
Медся сьōкыд мог —
Мог лоны
Коммунистōн.

ВАЖ СЛӨБӨДА ДОРЫН

Альбомса сонетөн ме восьтны ог вермы
Морт съёлөмлысь зэв ыджыд вын.
Монтажниклы тшөктісны сувтөдны ферма,
А му чорыд из кодь дзик кын.

Но сувтөдны өдйө да
зумыда колө,

Мед сулаліс вевт улын нэм.
И вөвлөм моряк бокө тойыштис полөм
Да морөссө кизяліс:

— Эм!..

Бульдозерьяс петісны мылькъяссө лойны,
Сьөд жужаль моз лэптисны мыш.
Эз, важ Слөбөда налөн шыысь эз доймы,
Но вешыны вөлі на дыш.

Өд көсйис на пыр, көть и чөла да, овны
Пу срубъясысь пөрысьмөм грезд,
Важ олөмысь кольөмтор —
киссьөм часовня —
Эз чургөд нин чегъясьөм крест.

Выль кывъяс друг пырисны:
«Вира!..» да «Майна!..»

Көть көдзыдыс вөлі и ён,
Но башенной кран йылө тэрыба кайны
Эз повзы и коми збой зон.

И кын муыс томъяслөн смеллунысь повзис
Да енэжкөд сывъясис сэк.
Ме шуда,

ме аддзылі лун, кодыр ловзис
Выль нэмысь на югыдджык цех.

МИЧЛУН

Тэысь мича некод матын абу
Да и зільджык, думайта, оз сюр.
Ладмё тэныд кыз брезентысь шабур,
Гөрд көсынка сывъялыштö юр.
Любуйтча,

кор тэрмасьомөн мунан,
Кирза көмөн чышкан арся пуж.
Эз кө вöвны тэ кодъыс зэв уна,
Эжва карыд, гашкө, эз и чуж.
Сöмын томлун вермас сетны сылы
Эта мында пöсьлун да бур мич.
Коді лыддяс,

кымынöс тэ, нылöй,
Пуктін аслад киясөн кирпич!
Нэм оз кувлы мичлун, сійö кольö,
Кытчöдз аддзас син да кылас пель.
Рисуйт сійöс тэ көть,

Рем Ермолин,
Эз кө чуж на коми Рафаэль!

ЭЖВА КАРЫСЬ ПИСЬМӦ

Пӧдарит меным сэтшӧм дзоридз,
Кодӧс козьналӧ югыд май.
Кӧсьян,

видз вылысь сійӧс орӧд,
Либӧ ыб вылысь корсь да вай.

Эжва карын ме ӧні ола,
Карын, овмӧдчис кӧні шуд.
Татчӧ ӧтчюд кӧ коркӧ волан,
Сыкӧд янсавны он нин куж.

Быд лун пасйӧны тані свадьба,
Новосӧллӧн оз куслыв нюм.
Удж и слава тэ татысь аддзан,
Сӧ машиналысь кылан шум.

Важ баракъяслӧн шуштӧм серпас
Тайӧ карӧ, кӧть корсь, оз тӧр.
Кӧртӧн дорӧм бетонысь керка
Бара сувтіс, кӧн вӧлі вӧр.

Тайӧ карӧ ме тэнӧ кора,
Тырмас юкны быд уджлысь пай.
Еджыд син лыска тувсов дзоридз,
Ӧти дзоридз тэ сьӧрсъюд вай.

ТУВСОВ ВАЛЬС

Эзысь Эжва оз гыв,
Пыжӧ васӧ оз кой,
Вальслӧн меліник шыӧн
Кывтӧ мян том вой.

Локтіс войвылӧ тулыс,
Потіс кыз пулӧн гар,
Тшапа видзӧдӧ юлань
Эжва дорын виль кар.

Сӧ царевна сэн олӧ,
Быдӧн мича да бур.
Волӧй, зонъясӧй, волӧй,
Шудныд эз на кӧ сюр!

Тайӧ кар весьтын кыа
Лыдтӧм биясӧн гыр,
Ыджыд стройкалӧн шыас
Олӧ муслунным пыр.

Чужан мусӧ и васӧ
Дась пыр сывъявны ки.
Тэкӧд зэв шуда часӧ
Тані аддзысим ми.

Эзысь Эжва оз гыв,
Пыжӧ васӧ оз кой,
Вальслӧн меліник шыӧн
Кывтӧ мян том вой.

АСЫВ

Тэ он тӧд, кыз садьмӧ асыв,—
Узян вывті дыр!
Шонді петан тайӧ часӧ
Ставыс шудӧн тыр.

Сэтшӧм сьӧлӧм висьӧм овлӧ —
Ичӧтдырся дой,—
Медся дона менам ловлы
Кыалӧн быд войт.

Вӧр ді пӧлӧн ордым мунӧ,
Кӧні сьӧлӧн пом?
Некор тӧнӧ ме ог вунӧд,
Муса Катьдпом.

Пета сиктысь, сӧстӧм шорсянь
Вуджа лыдтӧм кыр...
Гора томлунӧс ме корся
Вӧр ді бокысь пыр.

ВӖР КЕРКАЫН

Художник П. Митюшевлы

КӖрт пач вылын чайник пузьӖ,
Жара ыргӖ би,
ТӕкӖд вӖр керкаӖ узыны
Бара воим ми.

Вай жӖ кокньӖдчы, тӧварыш,
Аддзан, пуксис вой.
Ӗтвыв кыйӖмтортӖ варыш
Миянлысь оз сӕй.

Ыджыд туй нин талун вуджим,
КӖдзыдыс эз йир.
Кодыр ковмас, юны кужам
Стопка джыньӖн спирт.

ПельӖс джаджыйысь сись кӖ
кусӖ,—
Сер кыны оз ков!—
МудзӖм бӖрад медся муса
Нянь шӖрӖм да сов.

Аски чеччам, бара туйӖ
Тасянь петам ми,
КӖть и вевъялас нин юын
СӖникасьны йи.

Сов да истӖг колям сылы,
КодӖс суас вой,
Ми жӖ медводз пожӖм йылысь
Аддзам кыа войт.

ИЛЫЧ ЙЫЛЫН

Бытьё тшынісны туся пуён:
Шоньд позйын оз аддзы ин,
Сьёлём сэтчө нин өні нуё,
Көні эм сэтшөм Сарьюдін.

Мый сэн, шуасны, уна бурьс:
Тёлын — турёб, а арын — ном,
Али лёсьёдчан тшөтш Морт
юрьс

Өні вугравны эзысь ком?
Илыч чериён-яйён озыр,
Сэтчөс вөралысь вывті бур,
Чужан мувывса дзик быд козлы
Дась пыр копыртны ассьым юр.

Сэтчөс ордымъяс нопйён вуджа,
Том геологкөд узя вой,
Гашкё, кывбурё сэки кужа
Кисьтны кыалысь зарни койт.



Вөр-ва олөмын эм уна гусятор,
Төдмавны көть көсьян, но он вермы,
Сёрнитө кыз ас ногыс быд шор,
Кутшөм шыөн да кыз талун зэрмө.

Кывзысь, кызди шувгө рас выв пу:
Коркө сійө нор, а коркө гажа,
Весиг тэныд муса Эжва ю
Ассьыс рөмсө вежөма нин важөн.

Вөр-ва олөмын эм уна гусятор!
Абу ме, а сійө медся шуда,
Коді аслас мулысь ловзян гор
Гөгөрвоны сыланкыв моз кужө.

ГОРА ТУЛЫС

Сейтөг овны позьё,
Сыланкывтөг — оз!
Бара кыскө водзё
Гора асыводз.

Кызди чужё, кыла,
Пуяс костын төв.
Мыйла, дона нылёй,
Отнад олан чөв?

Талун ставыс сьылё:
Парма, ыб и ю,
Дзоридзьясөн тырё
Миян чужан му.

Отвылысь вай кывзам
Налысь мелі гор,
Татшём сыланкывйыс
Некор мед оз ор!

■ ■ ■
Тайö войö эн узь,—
Лоас чудö:
Потас льöм пулön нэриник кор.
Тэ кө вөр-валön мичлуннас шуда,
Верман казьявны аддзываетор.

Тайö войö эн узь,—
Ставсö воштан:
Мулысь медводдза лов шы он кыв.
Гашкö, тэныд тшöтш сё бордя пошта
Вайö лунвывсянь сё сыланкыв.

Тайö войö эн узь,—
Кöть и сёр нин
Юкны кодлönкö сёлöмысь би,
Ловзьöм пу улын вашкөдчан сёрни
Кутам нэм помөдз казьявны ми.

■ ■ ■
Дивуйтча муён и ваён,
Сынёднас некор ог пёт,
Кажитчө, олөмыс ставыс
Кутшөмкө зэв мича вёт.

Пелыстөг вёт пыжын кывтны?—
Мортлы оз ков татшөм шуд:
Чукөрта, колө кө, сыв тыр
Якшалысь медводдза пуж.

Иöraяс локтасны паныд,
Жынняннас торкасны чөв.
Юа да ошка ме налысь
Сус пуён руалысь йөв.

Радлун кө сьөлөмсьыд кылан,
Некутшөм дойөн он вись...
Копыртла юрөс ме сылы,
Видзө код вөр-валысь мич.

■ ■ ■
Ставыс, мый аддза, чудо:
Дзоридз и тельгысь шор,
Пожомлөн паськыд вуджөр,
Лэбачлөн асья гор.

Талун ме быттьо чужи,
Восьті кык дивё-син.
Кодзувъяс — биачузъяс —
Корсьоны шойччанін.

Том нывлы төвру сөрө:
Яндысьны пö оз ков,
Дас квайт во олём бöрад
Воас и тэд любов.

Быдөнлы өтмоз тырмө
Дзоридз и ыджыд шуд.
Сэк сöмын мортыд кынмө,
Радейтны кор оз куж!

■ ■ ■
Киссьö шоньд тувсов зэр
Лымйысь мездмём муö,
Азым вомнас ловзьём эрд
Брагаёс моз юö.

Туйсö воштіс визув төв
Миян помтём вөрö,
Быд пу кыпöдчис, кыз ньöв,
Öдъя пывсян бöрын.

■ ■ ■
Тöрыт на быттьöкö йиркöдчис гым,
Талун куш эрд вылö усьö нин лым,
Бобулөн паръялан ывлаыс чöв..
Вөр-васö дыр кежлö сывъяліс төв.

Мыйла нö гажтöмтчин?
Мый лои жаль,
Юр вылад чöвтін кор нывдырся шаль?
Му вылын ставыслөн йыв эм и пом,
Тэ сöмын пыр öткодь мича да том.



Видз вув өвтö маён,
Мулён ловзьём вынён.
Веськөд горштö ваён,
А ме юа сынөд.

Зарнисö кор кыа
Койыштас тыр содзнас,
Садьмём лэбач шыысь
Садь быртөдз жö коддза.

Син куньёмөн муна
Эзысь лысва вывті,
Дзоридзтö ог вунөд
Сьöрысь вайны сыв тыр.

Мый нö ещö коран,
Дум вылад мый усьлө?
Абу өд зэв гора
Збыльысь ыджыд муслун.

Дивит мыйта колö,
Мыйла татшөм чужи...
Радейта ме олөм,—
Би пыр сёысь вуджи!

■ ■ ■
Енэжыс быттьо розя,—
Помасьтөг киссьо зэр,
Аддзыны сөмын позьо
Ошиньлысь бөрдан сер.

Ылө нин коли бөрө
Ылавлөм гожся жар,
Ыждавны петіс вөрө
Пувья да тшака ар.

Мыш вылө пестер чөвта,
Сывьяла вужйысь доз,
Сыылігтыр пета көвтны
Вотөслысь кисьмөм роз,

Зэрыс оз чинты гажөс,
Сутки көть шливгас мед,
Сыысь эз дздебсьыв важөн,
Помнита, менам дед.

Арын, кор өшинь бөрдіс,
Паччөрас эз на узь,
Кыскаліс буретш вөрті
Ас вылас ва да мудз.

Мустөмтны важся олөм
Дзикөдзсө оз жө ков...
Төд вылын кутны колө:
Миянын өні олө
Дедьяслөн зумыд лов!

ВӨРӨД ШӨЙТІ

Вөрөд шөйтi,
Ена мудзи,
Ноддя бердын
Отнам узи.
Көть и зэрис,—
Эг тай көтась,
Ошкөс эг жө
Аддзыв вөтөн.
Пашкыр пожөм
Сылыс-мойдiс,
Сувтысь кыа
Биөн ойдiс.
Вөрлөн асья
Кыпыд гажө
Лэбач пырис
Аслас джазөн.
Пуяс весьтөд
Зарни шондi
Тупыльтчыны
Сэсся пондiс.
— Кад нин туйө,
Муса другөй!—
Кыскис ягын
Ворсысь югөр.
Мелi төвру
Воча өвтiс,
Сир да лысва
Меным көвтiс.
Эг, эг лысьт ме
Татшөм сынөд
Вины аслам
Табак тшынөн!
Мич да шудлун,
Мулысь радлун
Восьтiс мортлы
Ланьтөм яг выв.
Ветлөй вөрө,
Отчyd мудзлөй,
Бипур дорын
Асьныд узьлөй!

ПОЛОНЕЗ

Посёлокё воис выль асыв
Да весалис унзильлысь вез.
Ме кыла, кызд юралё расөдз
Огинскийлөн важ полонез;

И чуксалё, шогсьё и бёрдö
Быд сьёлөмөдз писькөдчан шы,
А шондi нин мичмөдö гөрдөн
Кузь ниалысь кыпөдчөм шы.

Пыр петны делянкаö колö,
Оз позь сэтчö восьлавны сёр,
Но кувлытөм шыяссö, пола,
Мед лов шыöй весиг оз торк.

Пось мөвп төвзьö ылö эфирö,
А мыйла,— ме ачым ог төд...
Печоралөн медджуджыд йирö
Ас му динö муслун оз пөд.

Стрөг мастерысь быдөн ми полам,
Көть быдөнлы — медводдза ёрт!
Ог нянь кежысь сөмын ми олöй,
А мастерным... ми кодь жö морт!

■ ■ ■
Сьöd дзоридз некор оз овлы,
Кыа важ паськөм оз новлы,
Катыд оз котöртны шоръяс,
Тöлын оз вежöдны коръяс.

Шондыс асылын петлö,
Пыр öти туй вывти ветлö,
Гуляйтö Тöлысьыс-чойыс
Важ мозыс пыр сöмын войын.

Мыйла нö сёрнитан уна,
Кор öти вевт улысь мунан?
Чöв овны сэки öд колö,
Орö кор кык пельö олём.

ТУРӨБ

Но и турөб, но и турөб,—
Лым и лым!
Коймөд лун нин помся дурө
Лешак вын.
Еджыд толаясө суніс
Каравом.
Тані,— оз өд прөста шуны!—
Мулөн пом.
Но ме турөб пырыс кыла
Төдса гор:
Көдзыд море весьтын сьылө
Миян борд.
Көть и воддза кодь жө луныс
Лои йөй,
Ассьыс служба сюся нуө
Часөвөй.
Чөла ланьтөма ракета,
Но оз узь...
Ноны, полюс сайысь петав,
Ышмөм сюзь!
Кортөм гөстьлы вичмас пайыс —
Биа шер!
Куйлө сизим томан сайын
Войвыв эрд.

МЕДБӨРҖЯ СТАРӨВЕР

Важөн сынастьөм, дзугсьөм
тошка,

Синмас кынмөма көдзыд сер.

Аддза,

пукалө пөрысь ош кодь,

Гашкө, медбөрҗя старөвер.

Важ пөчинөкын сийө өтнас

Видзө енмыслысь ловсө тшөтш

Да пыр тіралө, мед эз сөгны

Сімөм ведраысь сімөм көш.

Кутны пьянсө вын эз тырмы:

Найө корсисны мича туй...

Лэчыд лөглунысь киыс сырмө,

Коді ньөтчыд эз гөлөсуйт.

Шуштөм важыс пыр сылы колө,

Кодыр морт оліс, кызди зверь,

Но эз ен помысь чуктөм олөм

Талун сывьяліс войвыв эрд.

Курыд мөвпьясысь век жө

доймө

Юрас көдзавны кутөм вем.

Кытчө воштіс да кызди тойліс

Мортлы өтчыдысь сетлөм нэм!

Регыд, регыд нин тыртөм синмас

Сылы видзөдлас шуштөм вой...

Коли сөмын нин өти синва,

Өти нейджыд, курыд войт.



Юкмөсө некор эн сьөлалөй,
Ягө эн уськөдөй би,
Поз вылын пукалысь сьөлаөс
Вины оз кыпты мед ки.

Уна эм му вылас мичлуныс —
Лысва, веж дзоридз, сөдз ю...
Тэныд кө тырмымөн вичмөма,
Мукөдлысь нинөм эн ну.

Мед лөня вашкөдчысь пуяслөн
Некор оз косьмы веж кор,
Медся лёк кывъясөн, кулан да,
Аслад жө пиыд оз ёр.

ТАРАПА ТЫ ДОРЫН

Ачыл асьтö кыдзи венан,
Кодыр сьöлöмьд век пым?
Бара чужöмбанö койö
Тундравывса чизыр лым.

Туйсö татчö ачым бөрйи,
Онi няргыны оз ков.
Нуöй, нуöй,
нуöй, көръяс,
Сьöкылдунъясысь ог пов!

Бөрö коли Тарапа ты,
Водзын дзоргö Море Из.
Со тай дзирдалö нин матын
Йиön кышöм море визь.

Ставсö сотö лов шы сылön,
Сöмын мортöс оз тай вен...
Пыкис енэж харей йылön
Көръяс видзысь, кыдзи ен.

Зэрö, турöбъясөн дурö
Тундра шөрö воöm ар,
А со сийö осьса юра —
Войыв мулön збыльысь царь!

Юрöс копытны сы водзын
Меным оз öмöй тшöтш ков?
Енэж шöрысь медбур кодзув
Сетны эг эськö ме пов.

ПЕЧОРА ВЕСЬТЫН АРСЯ ВОЙ

Татшөм серпассө некысь он аддзыв,
Пыжөн нэмтö кöть ва вывтi кывт:
Тöлысь вольсалис зарниа раддзысь
Лöньöм ю вомөн дзирдалан тыв.

Арся вой вывтi ыркыд да гора,
Чужтö сьөлöмын радлун и шог.
Эг кö радейт ме тэнö, Печора,
Кöдзыд ар помын эг эськö лок.

Тöлысь тэрмасьтөг енэжтi уйö,
Джуджыд яг сайö дыр на оз нёр.
Кыла, кисьтöны пөрчөдөм пуяс
Ланьтөм ва вылö медбөръя кор.

Ылыс морөдз пыр эськö кывтi,
Эг корсь аслым ме ыджыдджык шуд.
Гашкö, шуасны, веськалі вывтi
Меным кокни да кыв куттөм удж!

Йирмөг вочасөн сьөлөмөдз йиджө...
Мыйла коньөрөс ньöти ог видз?
Коркö вермас-ö восьтыны гижөд
Тайö тöлыся войыслысь мич!

Бара пукалам аэропортын,
Кодӧс кытшаліс пемыд вӧр.
Кокни петны пӧ аслад гортысь,
Сӧкыд веськавны сэтчӧ бӧр.

Турӧб коймӧд лун помся дурӧ,
Сылӧн гӧлӧсыс йӧй да нор.
Кӧдзыд кушникын помся курит
Да став лӧк кывнас асьтӧ ёр!

Нэм чӧж тӧрмасям лӧбны-мунны,
Шоча аддзывлам шонид поз,
Но и унмовсян да он вунӧд,
Кодӧс радейтан енмӧс моз.

Ыджыд прӧща кыв сӧмын корам
Насянь, кодъяслы вӧчам шог...
Куим лун, куим вой Щугӧр дорын
Турӧб омлялӧ кӧин ног.



Дженьыд тэ, войвывса гожом,
Волан, кыз зэв ылысь гость,
Кор сэсса Подчером вожо
Койыштан шонділысь пось?

Дзоридз тшөтш копыртис юрсө,
Сійөс тшөтш шымыртис шог,
Йирмөга ру матыс нюрсянь
Видз вылө эз на көть лок.

Зорөдө водөма турун
Колльөдны пөтөса төв.
Тэрмасьө кодлөнкө Сюрук
Қисътыны ведраө йөв.



Чайтанныд ті, вöлыд сöмын гöрдлө?
Вöлыд вермө морт ногөн жö бöрдны,
Синваён,

и курыда, и шога,

Öти кывйён, дзик жö войтыр ногөн.
Миян нэмын мый сöмын эз вöвлы!—
Сюрлі уна тшöтш и мыжтöм вöвлы.
Гижа öнi, думайта и пола:
Казьтивны-ö ставсö бара колö?

Туйö петиг верзьöмөн кöть сölöй,
Но эн нöйтöй, зонъяс, мыжтöм вöлөс.



Бур мамлы дона ныв и пи,
Оз петав сылӧн шогыс юрсьыс:
Дзик ӧтмоз дойтӧ кылӧ ки,
Кӧгь кутшӧм чунь он босьт да курччы.

И тэ куж ассьыд вын да сям
Дзик ставнас чужан мулы юкны,
Ӧд сійӧ — медся дона мам,
А лӧглун мам вылӧ оз кутны.

■ ■ ■
Ичөтдырся мывкыдөн да сямён
Медводдза кыв коркё шуин:

— Ма-мө...

Кад кор воис мунны служба вылө,
Шыөдчин:

— Эн вунөд, муса нылөй!

Шог кө босьтліс тэнө аслас сывъяс,
Қазьтылін сэк:

— Менам чужан кывйөй!..

Уна туй да ордым куйлө водзад,
Кутан корсьны:

— Көн тэ, войвыв кодзув?

Радлуныс и шогыс уна волас,
Шуны медым бара:

— Майбыр, олөм!..

Кодзув кусө, дойдны вермас нылыд,
Чужан муыд тэнө нэм оз ылөд!



Поезд янсөдө да йитө,
Мортлысь шог оз кыв.
Талун медбөръяысь кисö
Зонлысь кутö ныв.

Югыд лым чир син лыс йылас
Али синва войт?
Лөнъ платформасянь зэв ылö
Кывтис эзысь вой.

Кыткө маті, вөръяс пöлөн,
Төвзё поезд-нөв.
Оти сывйын кык пöсь сьөлөм
Да кык вом дор.
Чөв...

Öнi налы колö митөг
Лоны тайö здук.
Мед жö туйыс йөзöс йитö,
А оз янсөд-юк!

Лишалан көпейка зептын абу,
Да и ёна шогсыны оз ков:
Бара важ моз кыссьё гулыд ягё
Чужан муысь торъявлытём лов.

Озырлуныс менам — асья кыа,
Тувсов енэж, сөстём ю да шор.
Шуда сійё, коді медводз кылё,
Кызди садьмё пуяслён нюдз кор.

Кыаыслы воча бара пета,
Вынъяс серти корся аслым удж.
Эг өд ло и нейджыд поэтён,
Радейтны кө олёмсё эг куж.

Қоркё, дерт жё, пёрысьма да кула,
Нинём тасдор югыдысь ог ну,
Медым сёмын пыр веж пожём улё
Козьналасны ёртъяс меным гу.

Вывті водз на ковтём шогсё пёжны,—
Абу сэтшём миян гора нэм!
Бур, кор мича, быравлытём төждлун
Сьёлёмас и юрас мортлён эм.

БИЫН ОЗ СОТЧЫ

Биын оз сотчы
Ваысь оз пов,—
Шуоны рочьяс,—
Ыджыд любов.
Эскöй кöть энö,—
Эг бокысь кыв:
Висьталіс меным
Öти бур ныв.
Шуткаöн чöвтіс
Восьлалігмоз
Дзоридзьяс пöвстысь
Медмича роз.
Томъяслөн гажөн
Юксыны сёр,
Юрöй нин важөн,
Аддзанныд, дзор.
Сьöлөмöй... Сійöс
Некод оз тöд:
Томдырся биыд
Некор оз пöд.
Син дор кыз вазьö,—
Ачым ог кыв...
Медым оз казьяв
Сералысь ныв!

ЛЕНИН ОРДЕН

Оз важ вөралысьлөн ордым
Талун тэнö ну.
Морöс вылад Ленин орден
Öзйö, Коми му!

Ловзьöм пармалы да юлы
Бурджык шуд оз ков.
Тайö зарни шондi улас
Мичмы пыр да ов!

Тэнад помтöм ягъяс весьтысь
Воши вöвлöм шог.
Öтвыв выль олöмсö лэптам
Уна чой да вок.

Гора юөр тэрыб борднас
Кытшовтiс став му.
Морöс вылад Ленин орден
Öзйö, Коми му!

ТАНИ ВӨЛІ ЧОРЫД БОЙ

Тані вөлі чорыд бой,
Уна олөм күсі,
Өти кувлытөм герой
Видзө налысь гусө;

Увлань копыртөма юр,
Некодлы оз шыась...
Кутшөм мича, кутшөм бур
Илыч сайын кыа!

Тасянь вощьө ыджыд эрд
Лөз Печора вомөдз,
Бытьө биөн ломзьө герб
Партизанлөн шлемас.

■ ■ ■
Кодзувъяс бара вөрöны,
Кыла ме налысь шысö,
Пöсь тövъяс быттьö гөрöны
Илычлысь йиа кышöд.

Ылын на гажа тулысид,
Восьлалö таті ар на.
Сус пу дась пасьтöм пуяскöд
Юксыны аслас жарнас.

Кöдзид и меным пукавны
Вевттöм да дзибрöс пыжын.
Иирмөгсö кодлы юка ме,
Ачим кор öтнам мыжа?

Мед, кодлы колö, сөрöны,
Арлөн пö мич оз ышöд...
Кодзувъяс, тöда, вөрöны,—
Первойысь кылі шысö!

■ ■ ■
Ты шөрын купайтчө төлысь,
Гожся вой ланьтөма чөв;
Бытьёкө, колльөдө көлысь
Дзирдалан сермөда вөв.

Шойчөны мудзыштөм зонъяс,
Быдөнөс сывъяліс вөт.
Видз вылө зэлөдөм вонйын
Сынөднас некыз он пөт.

Синваысь сөстөмджык лысва
Сёнъясысь оз на көть сыв,
Асылыс сьөлөмысь кыскас
Шуд йылысь выль сьыланкыв.

Сетöй и меным тшөтш куран,
Медым көть гаддьөсьлас ки...
Қоркө өд, төданныд бура,
Вөвлі жө крестьянин пи!

Сьылөмөн сөмын оз лөсяв
Пальөдны вөр-валысь ун,—
Қывбурөн колө и пөсьөн
Матыстны шондіа лун!

Қыалөн чужигас вөрысь
Окасьны петалас төв.
Ты шөрын купайтчө төлысь,
Гожся вой ланьтөма чөв...

ЗАПОВЕДНИК

Зверьяслы тан царство,
Пёткаяслы — рай,
Быдса государство —
Вөрзьөдлытөм край.

Илыч бердса нюрын
Дозмөръяслөн койт,
Йёра нуө сюрас
Кыалысь сөдз войт.

Изъя кось оз съөмдыв,
Нэм оз ланьтлы чөв.
Пөкназ зэвтчөм съөмга
Кыптылас кызд ньөв.

Сувт да чөла видзөд,
Кызди төвзё көр.
Көин синмысь видзө
Сийөс пемыд вөр.

Пармаыд кө төдса,—
Смела восьлав-уй!
Татчө сөмын пөдса
Лёк войтырлы туй.

ПАШНЯӨ ТУЙ

Чөртыс эз на вуджлы тайё туйёд,
Эз кө вөвлы садь быртөдзыс код.
Видзёда, кыз водзё өні уйё
Танкысь вына миян вездеход.

Лымъя эрдын ловзьё лыдтём кодзув,
Фара улысь ылё пышйё вой.
Абу тані,— заводитчө водзын
Пашня бердса парма йылысь мойд.

Вөр — кыз вөр, эз тальчыв кытчө кокнас
Таладорын кыйсьысь лазъя морт.
Сылы воча ачыс өні локтё
Көрт сёлөмын чужтём вына гор.

Сійё пырис мулөн морёс пытшкас.
Мырддис сылысь гусятор да чөв.
Кыпөдчис нефть перьян ыджыд вышка,
Марслань быттьё веськөдөм ёсь нёв.

Тані менё ёнджыка на сотё
Миян кадё мортёс сотан дой..
Мырсьё кор бурильщикъяслөн рота,
Быдөнлы сет өти ним — герой!

Кужа-ё көть медбур сыланкывйын
Ошкыны разведчикъяслысь нэм?
Тайё найё пармалён дзор сывйё
Пыртёны сё шонді тэд и мен!

ГУЛЫД ЯГЫН

Пуяс костын вонъяс,
Сынöd — сöстөм спирт.
Гулыд ягын зонъяс
Вийödöны сир.

Абу первой тулыс
Тани налөн койт.
Синва пожөм пулөн
Киссьö лун и вой.

Дас вит зон, а нылыс
Öти, быттьö ем.
Ыджыдавны сылы
Кодъяс вылын эм!

Сы вöсна жö, дерт жö,
Лэптö ассьыс дон,
Шогсьöны кор бердас
Дас вит мича зон.

Бöчкаын кыз шузьö
Шондi рöма сир,
Тувсов рытö пузьö
Сьöлөмъясын вир.

ДЕДЛӨН ВӨРАЛАН КЕРКА

Коркө, дерт, и менам пöрысь дедöй
Аслас кадö вöвлі зіль да том.
Сійö öтнас,— некодöс эз медав,—
Лэптис Вөр ёль дорö кыйсян чом.

Шуа чом, а вöлі збыльнöй керка,
Пач пыдди кöть тэчис изья гор.
Некодöс эз повзьöд кöдзыд зэрыд,
Юр сюяныд вöрын вöлі кор.

Ачыс сійö важöнкoдъ нин кувлі,
Пöрысьмис и пиыслөн нин пи,
Мукöдъяслөн сэсса истöг тувйысь
Öзйыліс важ горйын гажа би.

Вөр ёль дорті вoсьлалігөн мян
Сьöлөм эськö скöрысла эз пот,
Лөг кыпöдан кодкö аслас киөн
Дедлысь кыйсян керка эз кö сот.

Сöмын ордым казьтылö на öні
Сьöд войысь да зэрысь дзебсян койт...
Но, а сійö... Омöль мортыс кöні?
Медым сійöс виас менам дой!

СЫЛАНКЫВ

Эжваті-ваті
Кывтам и катам,
Кывтам и катам,
Ылө и матө.

Меліа, кылө,
Тувсов вой сьылө,
Тувсов вой сьылө,
Юралө ылөдз.

Кыалөн-юсьлөн
Югөр оз куслы,
Некор оз куслы
Сьөлөмысь муслун.

Кодкө мөй вежлас
Тэнө, лөз Эжва,
Тэнө, лөз Эжва,
Оти здук кежлө?



Кутшөм лунё, кутшөм часё
Коммунизмлөн воас асыв?
Төда,
Сійё коркё воас,
Но ог төд на, кутшөм лоас...
Оз горнистьяс петны водзё
Маршён колльөдны салют,
Миян му весьтын виль кодзув
Ворсны югёрнас оз кут,
Но дзик ставыс лоё сөстөм,—
Сынёд,
Сьёлөм,
Мөвп и син...
Некодлы оз ковмы прёста
Кыз портфель да ыджыд чин.
Вунас сэки ковтөм сөрөм,
Дзикөдз бырё лөж да ёг.
Сійё муыс,
 кодёс гёрам,
Оз кут некор төдны шог.
Завидь, гашкё, сөмын кольё,
Медым ышмөдны том лов.
Югыдджык на сөстөм ёлысы
Лоё томъяслөн любов.
Кыз пу,
Дзоридзьяс и кыа —
Ставсё налы колям ми,
Медым кыаысь тшөтш кыас
Нывлы сикөтш муса ки.
Воас,
Воас сійё часыс,
Шуда мулөн медбур асыв!

Бара кывтö Руза вывти йи,
Тöвся паськöм чöвтö гудыр юыс.
Чужан мусянь ылынöсь кö ми,
Вай жö тані пасьям локтан тулыс!

Тані водзджык миян серти лым
Азым мулань лясмунö да йиджö.
Срочной телеграмма тувсов гым
Сыктивкарö миян пыдди гижö.

Миян вöсна некодлөн нин оз,
Сэни аслас сьөлöмыс оз эжмы.
Кылам, дерт, кыз шувгö паркын коз,
Ииа пленысь мездысьö тшöтш Эжва.

Еджыд юсь моз кокни кымöртгор
Войвывлань жö мыйлакö со уйö,
Турияслөн чуксасяна гор
Миянöс тшöтш корö петны туйö.

Кутлыны выль ёртъяснымлысь ки
Торйöдчигөн, думайта ме, кужам,
Весиг кувны сэтчö мунам ми,
Овны кöни коркö тэкöд чужим.

ВӐРАЛЫСЬ

Арын лӧнь керкаысь сійӧс эн корсьӧй,
Бура ӧд тӧданныд —

нинӧм он кер! —

Пармаын ыждавны босьтчывлӧ корсянь
Вемӧдзыд йиджтысьысь медкӧдзыд зэр,

Вӧралысь лазъясыс, мӧдӧдчас туйӧ,
Ёртъяснас лоасны пищаль да пон.
Урлӧн да туланлӧн меддона куяс
Вештасны сылысь став тӧждысян дон.

Сідз жӧ, кызд дедъясыс олісны вӧрын,
Налысь важ ордымсӧ некор оз веж.
Весьшӧрӧ йӧраӧс сійӧ оз пӧрӧд,
Пяна дозмӧрӧс вины оз кеж.

Оз сідзи вӧрав, кызд ӧткымын хлюстяс
«Волгаӧн» петасны куштыны рас,
Поз вылӧ пуксьӧм царевна кодь юсь тшӧтш
Кодъяслы лоас син чашкӧдан пас.

Збыльысь кӧзяинӧс некор он суӧй,
Мед сійӧс лякӧсьтіс эгатшӧм удж,
Сӧмын вот вӧччӧдны медмича куӧн
Ассыс царевнасӧ некор оз куж.

Нэм чӧжыс зэръяс да турӧбъяс ськӧд
Ветлӧны тыдавтӧм туйясті, сэт,
Кытчӧ и зарниӧн мӧдӧс он ышӧд,—
Пармаса зарни оз кокниа шед.

ВЕТЛЫ КӨТЬ ДАС МУ САЙӨ

Ветлы көть дас му сайө,
Вуджав лыдтөм ю,
Некор таысь мусаёс
Тэ он аддзы му.

Кыаяслысь йиджтөма
Аслыс ловъя сер,
Дзор Уралөдз гижтөма
Сийөс сөстөм зэр.

Лысваён кыз пөртмасьö
Парма весьтын ар,
Зарни биён көртасьö
Сикткөд ыджыд кар.

Быд пельöсын шыалö
Збой да кыпыд удж,
Ытваён моз кылалö
Миян киö шуд.

Кыззи ветлім косьясö,—
Некор дзик оз вун!
Водзын сувтö-воссьö на
Таысь мича лун.

Ветлы көть дас му сайө,
Вуджав лыдтөм ю,
Медся шань да мусаыс
Аслад чужан му!



СӨВЕСТЬ

Коли уна во, но сөвөсть пыр на сөйө,
Вөчи быттьө сы водзын лёк мыж.
Збыльысь, коркө нулі пемыд войын
Емваса бур дядьлысь дзибрөс пыж.

Вөвлөмторйыс важөн коли бөрө,
Казьтивнысө, гашкө, оз и ков.
Эг кө петкөд ассьым ёртөс вөрысь,
Сутки джыпсө сійө эз и ов.

Пыжө сійөс кыски, кодыр доймис,
Юасьнысө эз нин тырмы кад...
Отылы кө вөчи сэки дой ме,
Мөдлы буртор вөчны вөлі рэд.

Дзикөдз кодыр тиян дінысь муна,
Артыштөй көть веськыджыка сэк,
Мый ме вөчлі нэмын медся уна,—
Йөзлы бүрөс али сьөкыд грек.

БИПУРБЕРДСА ДРУЖБА

Мед дзуртö кок улын туй юж
Да енэж кокни лым чир көдзö,
Салдатöс кынтыны оз куж
И комын градусусь ён көдзыд,
Но туйын бипур, век жö, дась
Пыр вöчны ассьыс ыджыд служба,
Öд коркö ачымöс эз пась,
А шонтис бипурбердса дружба.

■ ■ ■
Став енэж аслас помтөм отнас
Сэк вөлі лөз да турунвиж,
Кор реактивнөй самолётлөн
Друг сійөс гижтис еджыд визь.

Көрт лэбач водзө лэбис шытөг,
Эз волю муөдз сылөн гор.
Тадз варыш кыпөдчө да тышө
Збой выннас паськөдлывлө борд.

Кор завидьлуныс сьөлөм сотө,
Ме сійөс ланьтөдны ог куж.
Эг ло кө ачым збой пилотөн,
Мед эськө му вылас эг чуж.

ӨТЧЫД НЭМЫН

Аслам нэмын вилі өти тарөс...
Помнита, кор тырис дас кык арөс,
Батьлысь пищаль мырдөн сорөн кори,
Лыйсыны пыр муні вөр ді дорө.
Вөралысь ме вөлі сэк, дерт, омөль,
Но друг аддзи пу йылысь сьöd комөль...
Кужанлуныд, вөлөм оз ков уна,
Вөрысь мыйкө нуны, вины, гуны.
Тайөс лыдди усьөм тарлөн синмысь...
Лөк вылад көть дрөб, көть пуля инмө!

КОР ТУРӨБ ДУРӨ

Талун турөб
Бара дурө,
Көсйө босьтны менө пленө
Сэк, кор лызьөн туйяс вура
Да тшөтш нимтө гижя, Лена,
Лыжи бедьнас небыд лымйө.

Бөрсянь лыскөн
Турөб чышкө
Сийөс, мый меным зэв дона,
Көть и сулавлывлан мышкөн
Аслад керка кильчө помад,
Кодыр паныдасям кыкөн...

Коркө
Төдмалан кө тайөс,
Гашкө, нюммунан на коса,
А ме бара ыбъяс сайө
Тэрыб лызьяс вылын воша,
Медым нимтө выльысь гижны.

ЛЫМ УВ ДЗОРИДЗ

Тэ медводз петін, лым ув дзоридз,
Да тулыс йылысь юөр вайин.
Ме аддзи тэнö Руза дорысь,
Кыт шонді пыжын кывтіс майыс.

Тэ сөмын талун на и чужин
Да еджыд син лысьястö восьтін,
А менам сьөлөмöй нин пузис,
Мед тэнö нетшыштны да босьтны.

Кöть öти дзоридз шудөн шуда,
Ог мөвпав сэсся унджык кутны...
Ми ставным дзоридз пөвстын чужам,
Но ставсö дасьöсь косьөн юкны.

РАДЕЙТНЫ ЭГ КУЖОЙ

Ота-мөдөс радейтны эг кужой,
Муслуннымөс гөрддзасьтөдзыс косьтим,
Бытьё кыськө уси көдзыд вуджөр
Да и пырис кык том сьөлөм костө.

Асьнымөс ми сөмын векджык ошкам,
Мөд вылө пыр мыйөнкө да воам...
Сөмын сэк, кор збылысь шудсө воштам,
Сылысь донсө вөлись гөгөрвоам.

РУА АРЫН

Му бердөдзыс лэччис еджыд ру,—
Сомын арын татшөм кадыс олө!
Весиг реактивнөй тэрыб «ТУ»
Орөдчыны му веркөсысь полө.

Кывта-ката туйын ассьым нэм,
Татшөм уси, тыдалө тай, шудөй,
Но өд көнкө, кодкө век жө эм,
Көдi менө радейтышты кужө.

Мед оз лөгась...
Муслунным оз быр,
Парма шор кодь сийө кольө сөдз и.
Шуштөм сэк, кор өтлаыннөсь пыр,
Сьөлөмныс жө тайө руысь көдзыд.

ЧУЖАН КЫВ КЕДЗОВТЫСЬЯСЛЫ

Мед кодкө видө чужан кыв,
А кодкө ёнджыка на ёрө
Да ассыс мича сьыланкыв
И праздник пасйигөн оз горөд.

Эн казътöй некор налы тi,
Оз кусыньт мыйла найöс яндзим.
Кор кушөдз ваймө сьөлөм би,
Сэк оз нин гөрдөд мортлөн бандзиб.

Эм менам öти муса ныв,
Но чужан муöй сё пöv муса,
А кодi ёрө чужан кыв,
Дась сiйö вузавны и мусö.

ШОНДІ БАРА ВЕТЛӨ

Шонді бара ветлө вывті улөд,
Лымйөн мян ыбным бара тыр.
Сөмын, гашкө, кутшөмкө

Стамбулын

Гожөм өні дзоридзалө пыр.
Аддылі ме сэтчөс веж газонъяс,
Плошадьяслысь горша воссьөм вом,
Көні коньөр уджтөмалысь

зонъяс

Корсялөны пыр чигарка пом.
Садъяс пытшкын этатшөм бур

райлы

Завидь менам өти войт эз пет.
Оз дворецын, а решетка сайын
Пукалө сэн сө Назым Хикмет.
Өні гожөм шондіа Стамбулын,
Дзирдалө да ворсө лөнь Босфор,
Но ме төда, өти здукөн кула,
Сылөн шогөн юкталасны кор.

Воас кад,— и сійө абу ылын,—
Лунвыв мукөд сывъясяс веж яг,
Кыптас и Айя-София йылын
Чарла-мөлөт паса алөй флаг.

ТӖДА

ТӖда, мый тэ абу ныв;
Сійӧн ӧд и пола
Шуны куим мелі кыв:
Кыззи ӧні олан?

Сёрниттӧгыд туйыд кузь
Да и абу долыд,
Торйӧн сэк нин, кор оз узь
Аслад мыжа лолыд.

Ӧні, жаль кӧть абу жаль,
Ставыс коли бӧрӧ,
Сӧмын енэжлӧн сьӧд шаль
Кодзувъяснас вӧрӧ.

Волас уна шоныд вой
Миян вӧлӧсть помӧ...
Медым казтылӧ важ дой,
Мый ми вӧлім томӧсь.

ЧЕЛЯДЬ МУНЁНЫ ГОРТЫСЬ

Челядьным быдмисны,
Мунёны гортысь,
Совмисны, ёнмисны
Асланыс бордъяс.
Мунёны... Петёны...
Век кежлө, гашкө!
Керкаой тыртөммө...
Ой, кутшөм гажтөм!
Быдтысян, виччысян,
Торъялан тадзи...
Эг өмөй бать позйысь
Кыпөдчы ачым?
Сэки тай мыйлакө
Эз тырмы сямөй
Пөсьджыка окавны
Ассым бур мамөс!
Кыз тайөс челядьлы
Висьтавны кужа:
Томлуныд кылалө,
Вошө кыз вуджөр...
Ог, ме ог челядьлы,—
Аслым и тиян
Горөда:
— Бать-мамтө
Радейтөй, пьян!



Пушкаяс оз гымавы нин важён,
Но дзик нинём паметьысь эз вун...
Шондён мед нэмъяс лоё гажа
Онi мян муса чужан му.

Сийё абу чорыд из да лыа,
Абу кодзыд моряслөн йир.
Весиг кыа,
Вөр дi весьтын кыа
Казьтылө,
Мед вөли шуд да мир.

Ыбъяс весьтөд кымөр төвзё-лэбё,
Шоньд зэрлы индө туйсё гым,
Но и онi орденъяс ог дзёбөй,
Сьөлөмъясным онi наысь пым.



Дасысь суйлас пошта кудйö кисö,
Шогсьöмысла ачыс лои виж.
Пи вöснаыс мамлөн сьöлём висьö,
Коді важөн нинём нин оз гиж.

Кильчö дорас петалас да сувтлас,
Гөгөрвотөг босьтлас юрсьыс шаль.
Муса пиыс, ланьтём öшинь улыс —
Нывбабалы ставыс помтөг жаль.

Асьядорөдз сьлөн синмыс восьса,
Сьöлём дойыс морөссьыс оз ям,
Думайтö пыр: öнi öдзöс восьтас,
Пырас пиыс, шуас сöмын:

— Мам...

Но оз овлы му шар вылын чудö,
Мортлысь шогсö нинём дзик оз вен,
Көть и коркö збыльысь, гашкö, чужö
Миянöс быд шогысь мездысь ен.

Коді тöдас, көнi мамлөн пиыс,
Мыйла сийö куим кыв оз гиж?
Ылыс му пом бара сотчö биын,
Чардалёмнас енэж дорас виж.

Верми кө ме öнi тайöс вöчны,
Чукөртны быд мамлысь сьöлём дой,—
Кыпөдчи да медся джуджыд рöчсянь
Вувзи зывök понлы моз жö:

— Сей!..—

Сылы, кодi сöмын лёклун көдзö,
Зверьяс рöдысь морт туйö оз пет.
Муывса став мамьяс синьяс водзын
Зывök пон моз джагалö жö мед.

СЛЕПӨКҮР

Думыштан да, кутшөм сөмын дивө
Том олөмысь казтыштны оз сюр.
Миянкөд жө вөр пөрөдіс Ивө,
Ивө,
коді вөлі слепөкур.

Збой да зіль и ва вылын, и вөрын,
Кужис бертны медся сьөкыд удж,
Сөмын мунны шонді лэччөм бөрын
Важ баракө Ивөным эз куж.

Ставлы теш, кор сійөс колям ылө,
Горөдлам да бара ланьтлам чөв,
Асьным полам,
медым көть эз ылөд
Мөд туй вожын лэчыдалысь төв.

Первой пятилеткаяслөн вояс!
Томлун небыд койкаын эз узь:
Омөля кө удайтчыліс сөйны,
Тырмис босьтны пельпом вылө мудз!

Сэки менам первой кывбур чужи,
Юрысь коді өні на эз пет.
Миян Ивө медводз босьтны кужис,
Медводдза ударниклысь билет.

Казтыштан да, синмыд шогөн тырө...
Көні нө тэ,
муса Слепөкур?
Волхов дорысь гадинаөс зыриг,
Пуктөма пө, кывлі, асьыс юр.

Өні вөрын ыджыд шуда йөзлөн
Кутө чер да пила вына сой.
Медым олө морт сьөлөмын лөглун
Сэтчөдз,
кытчөдз ловъя кольө дой!

АМУР ВЕСЬТЫН АСЫВ

Амур весьтын асыв
Гөрд өгырысь дон,
Лөз енэжлөн ясыд
И пыдөс, и пом,
Морт пельпомөдз сидзё
Быд веж турун си...
Граница сэн видзё,
Граница сэн видзё
Печораса пи.

Дыр кытшовтё шонді
Веж вөръяс да му,
Сэн пемдыны пондас,
А Комиын лун.
И казтыштас сійё,
Пилоткаа зон,
Печораса бияс,
Печораса бияс
Да ыстас поклон.

И гижасны нывъяс,
Оз чөв овны дыр,
Смел зонмөс пось кывъяс
Мед шонтёны пыр.
Амур вывті ылын —
Он друг сэтчөдз вудж,
Но зонлы и сылы,
Но зонлы и сылы
Пыр нюмъялас шуд.

Амур весьтын асыв
Гөрд өгырысь дон,
Лөз енэжлөн ясыд
И пыдөс, и пом,
Морт пельпомөдз сидзё
Быд веж турун си...
Граница сэн видзё,
Граница сэн видзё
Печораса пи.

УСЬӦ ЛЫМ

Усьӧ лым...

Усьӧ кӧч гӧнысь кокниджык лым,
Тэнад пельпомад пуксьӧ да син водзын сылӧ.
Тэнад сьӧлӧмыд ме дінӧ век на зэв пым,
Куим во кӧть эг аддзысьлӧй, сьӧлӧмшӧр-нылӧй.

Куим во...

Куим во чӧжӧн дзормывлӧ юр,
Ассьыс шудсӧ кор ныв ылі туйысь оз виччысь,
А ме сулалі сэн, кӧні кывтӧ Амур,
Кӧні мореӧдз нюжаліс миян граница.

Лун и вой...

Лун и вой эм салдатыдлӧн удж,
Коді зонъяслы пай вылӧ усьӧма — служба!
Ассьыс чужан му радейтны сійӧ оз куж,
Кодлы веськодз дзик му вылас медмича дружба.

Усьӧ лым...

Усьӧ кӧч гӧнысь кокниджык лым,
Тэнад пельпомад пуксьӧ да син водзын сылӧ.
Тэнад сьӧлӧмыд ме дінӧ век лоас пым,
Ещӧ дырджык кӧть торъявлам, сьӧд синма нылӧй

■ ■ ■
Дыр на, дыр на казътивны ми кутам
Война кадся тулысьяслысь сер,
Сотісны кор тайё дона мусё
Аддзывлытём би да свинеч шер.

Эг коть вёвлы ачим полысь рёдысь,
Ковтём ляблун сьёлёмёс эз нирт,
Биа тышё кыпёдчигён, тёда,
Кынмывліс кыз сөнъяс пытшкын вир.

Татшём здукё чужліс тшётш и ярлун,
Кодёс бордья пуляён он ви.
Помнита, кыз миян комиссарным
Медводз пыкис паньд локтысь би.

Вёлі тулыс... Вёлі сэки тулыс,
Руаліс став морёс тырнас му.
Татшём лунё босьтис Харьков улын
Усьём комиссарёс братскёй гу.

Югьд шонді лыдтём югөр раддзён
Вольсалё быд ю, быд сён, быд кёджд.
Сійё, коді биа туй эз аддзыв,
Тулыслысь став мичлунсё оз тёд.

ВЕРНЫЙ КАРЫН КУРАТОВЛОН МЕДБӨРҮЯ ВОЙ

Воис нин, тыдалө, медбөрүя вой...
Ачыс Куратов төдө:
Морбөсас поздысьө терпиттөм дой,
Морт кор чахоткамысь пөдө...

Ывлаас шпорөдчө вижөдөм сад,
Корьяссө вой төв тильө.
Өтчыдысь аддзывны ещө рад
Ассыс денщик Джамильөс.

Кодлы нө висьталас медбөрүя мөвп,
Медся пөсь кывнас юксяс?
Пырө казах,
 ловъя вуджөр кодь чөв,
Висыськөд орччөн пуксьө.

Лолавны сьөкыд нин...
Вом дорыс кын,
Пужъялөм кор кодь кельыд.
Комын квайт во сылөн тырмис вын
Шондитөм муөд кевны!
Комиө,

 Комиө
Кыссьө мудз лов...
Чужан му медся муса!
Кывбурөн лямөдны найөс оз пов,
Тальөны кодъяс мусө.
Кебрасө сывъялис эськө поэт,
Сьөлөмнас сийөс шонтис.
Өдйөджык му весьтө кыпөдчы-пет,
Пемыдсө венысь шонди!

Кыа нин дзирдалө...
Көдзалөм ки
Усьө да оз нин вөрзьи.
Синвасө чышкавтөг бөрдө денщик,
Гораджык вой төв бөрдө.

1. КАРЕЛИЯ

Эг аддзыв тэ кодь мича му,—
Ас муысь кындзи,— аслам нэмын.
О, тэнад мында ты да ю
Став паськыд светас кёнкё эм-ё?
Быд ты, кыз ловъя мортлөн син,
Бур друглы асьыс шудсё восьтё,
И сійё сы вöсна оз чин,
Кöть ме тшöтш юкышта да босьта.
Но врагöс пос помад он лэдз,
И ки тыр ва сылы он юкышт.
Лöз енэж тэ весьтын пыр сэзь,
Сьöд кымöрлөн оз сибав чукөр.
Тан чужис Сампо йылысь мойд,
Но мичаджык выль сьыланкывйид.
И тувсов зэр и лысва войт,
Карелия,
тэ нуан сывъяд!

2. ЛАДВА

Медводдзаысь, Ладва,
Паныдасим ми.
Ёна-й тэныд ладмö
Сьыланкыв кодь ним!
Збыльысь, тэнад сьылö
Вильшасьысь быд гы,
Бара быттьö кыла
Кантелелысь шы.
Менам чужан вöрын
Тэ кодь уна ю.
Некор найöс сьöрысь
Мöд муö он ну.
Шудлунöс оз падмöд
Кык му юкысь кост.
Ладва, Ладва, Ладва,
Став муслунöс босьт!
Калевала мулөн
Тшöтш мед лоа пи.
Некор ог, ог кулöй,
Югыд Ладва, ми!

3. ОНЕЖСКОЙ ТЫ ДОРЫН

Узьö лöнь Онежскöй ты
Тыртöм пристань дорын.
Вальслөн ылöдз кывтысь шы
Паркö талун корö.
Котöрт сэтчö, мича ныв,
Веж юрсиа Аино,
Медым öтнас кыскö тыв
Пöрысь Вяйнямйänen!
Öтчюд овлö татшöм вой
Тувсов енэж улас:
Рытъя кыалысь быд войт
Козьналöма мулы.
Аски, гашкö, муна тась,
Мöдысь туй оз вайлы.
Ассьым сьёлöмöс тшöтш дась
Кольны тэныд, Аино.
Мед пыр лоа сöмын вок,
А тэ меным чойөн...
Некор мöдысь оз нин лок
Татшöм мича войыс.

4. БРАТСКÖЙ ГУ

Братскöй гу весьтын
Дзоридз да пыр олысь шог.
Кодлөн куйлö тан пи?
Кодлөн узьö бур вок?
Некод öни оз висьтав,
Оз сет воча кыв.
Чöла копыртис юрсö
Карелия-ныв.
Сийö сулалас тадз
Уна лун, уна вой,
Миян мамъяслөн
Кытчöдз оз быр сьёлöм дой.

КАРАДАГ ЙЫЛЫН

Море, лөз енэж да вежтаслөн визь,
На весьтын дзор Карадаглөн съод из:
Кымөрөдз кыптөма, сулалө чөв,
Сы вывті гораа шутьлялө төв.

Кутшлөн ён борд меным өні оз ков,
Кымөркөд сывъясьны лолөй оз пов!
Төлыслысь шутьлялан шысө ог кыв,—
Лэбач моз паськөда, нюжөда сыв,
Некутшөм море и некутшөм йир
Сьөлөмысь талун оз көдзөдлы вир.

Мед тэрыб лэбачлөн позйын эг чуж,
Төдмалі сылысь и радлун и шуд,
Сывъявлі енэж и вежтаслысь визь...
Со кутшөм тэ, Карадаглөн съод из!

РАФАЭЛЬ

Мед öнi пыр на чуймö,
Кор кылас аслам пель:
Ме вöли сэн, көн куйлö
Великöй Рафаэль!

Оз шондi ассъыс югөр
Важ Пантеонö кисьт.
Тась ловзьöдiс быд вуджөр
Художник кийн кисть.

А лов шыыс кор ори
Да кутiс кусны син,
Ас горт пöв вылас корис
Дзик öти катшасин.

Ой, кутшöм меным дона
Став мичнас ьджыд му!
Но мый вöсна Мадонна
Дзик нинöмтор оз шу?

Пöсь сьöлöм сувтö паныд,
Лöж терпитны оз куж.
Эз тэныд, Ватиканлы,
Бур гений коркö чуж!

Мöд муыввса кöть пиян
Важ Римын лоам ми,
Но тöдам, кодлы сиис
Секстинскöй заллысь мич.

Мед лёклун песö сийöс,
Оз бергöд кодi жель...
Пыр лоас сöмын миян
Великöй Рафаэль!

КЫК ПӨРЫСЬ КЫЛӨДЧЫСЬ

Кыкнанным вөлім ми томось,
Эзысь эз киськавлы юр,
Локтім кор Юрымка вомө
Кылөдны медводдза пур.

Уджавны зэв збоя кужлім,—
Мый көть код өні оз шу!—
Дзик өти кер вылын вуджлім
Сьөрт йылөдз паськалөм ю.

Бипурлөн сир курыд тшынөн
Ииджтысьліс миян быд вой,
Эз, кыз өні, машина
Кокньөдлы сэки мудз сой.

Пөрысьмим, кыкнанным дзорось,
Удаллун вывті нин важ,
Том йөзлөн миянысь гора
Юралө запаньын гаж.

Волім кө дзик өти тулыс
Багырөн колльөдны вөр,
Мыйла, ті юалөй юлысь,
Сыкөд эг янсөдчөй бөр.

КУЗЬ СЫРЪЯ ЧЫШЪЯН

Вой төв пөльтө паныд,
Сотө чужөмбан,
Козьнав меным, мамөй,
Кузь сыръя чышъян.

Сылөн паськыд дорас
Уна рөма визь —
Изьва бердса дзоридз
Мичмөдiс веж видз.

Чышъянася-вөчча,
Ошөдчас быд сыр,
Ме бөрся мед вөтчас
Муса зонмөй пыр.

Сувта сылы паныд,
Восьта чужөмбан...
Козьнав, козьнав, мамөй,
Кузь сыръя чышъян!

ВИДЗА ОЛАН, ШОНЫД МОРЕ!

Сизим төлысь синмөс ёрис
Сөмын йи да лым...
Видза олан, шоныд море,
Дзоридзалысь Крым!

Юкышт ассъяд сөстөм сынөд,
Карадаглысь ру,
Ставсө, мыйөн сэтшөм вына
Тэнад ва и му.

Кык нэм овны ог өд көсйы,—
Тырмас өти нэм!
Но пөсь муслунөн пыр öзйысь
Сьөлөмөй мед эм.

Сідз, кыз море ворсө гынас,
Пессьө лун и вой,
Мича сыланкывъяс кыны
Пыр мед вөлі збой.

Кодлы найөс öні сиа,
Сета сям да вын?
Сөмын өти эм Россия,
Өти зарни Крым!

■ ■ ■
Лолала Сочи сынөдөн,
Морелысь кывза горсө.
Юр вылө чөла гылөдө
Тунг ассыс косьмөм корсө.

Томджыкъяс орччөн йөктөны,
Вөрөны гажа бияс.
Мый өні тадзи өктөны
Пемыдас дзугсьөм кияс?

Войын став шыяс меліөсь,
Быд шы көть аслыд курышт!
Енэжас төлысь келөма,
Ошйөма увлань юрөн.

Кыкөн ми ськөд өтдорөсь,
Кыкнанным өткодь дзорөсь,
Некор ог мунөй мөд дорө,
Некодлысь син ог ёрөй;

Лолалам Сочи сынөдөн,
Морелысь кывзам горсө...
Му вылын ставыс кылалө,
Выль томлун сөвмө-ворсө!

■ ■ ■
Кутшөм паськыд тэ, Россия,
Миян чужан му:
Мича каръяс, зарни бияс,
Лыдтөм шор да ю!

Коймөд лун нин водзё нуө
Көртысь дорөм вөв.
Миян бөрся сөмын пуө
Лэчыдалысь төв.
Пуяс котөртөны воча,
Нюжөдөны ки.
Төда комиөн и рочөн
Дзик быд турун сі.
Сьөлөм пытшкын ловйөн кольö
Налы вөчлөм дой.
...Харьков, Курск да Гуляй-поле,
Уна сьöкыд бой.
Югыд асыв помтөм эрдын,
Лысваасьö му.
Отнас ланьтис көрт туй бердö
Ыджыд братскöй гу.
Тані, пöрысь тополь улын,
Узьö коми зон.
Ог, ог төд ме тайö мулысь,
Кызди мамлысь, дон!

■ ■ ■
Ассым нэмөс, тыдалө нин, олї,
Ыджыд могъяс олөмө эг пөрт...
Өні меным зэв этша нин колө —
Вугыр шать да юква пуан пөрт.
Гожся рытө пукся Эжва дорө,
Кымөръясысь кыа кокни вон,
Некодлысь ог курышт и ог орөд
Тайө уджысь вывті ыджыд дон.
Кытчөдз сьөлөм дпккас морөс йөрын,—
Оз өд сійө весь олөмысь вись!—
Сывны кута кыалысь

и вөрлысь

Мортлы шуд да радлун сетан

мич.

Медым сійө, коді тайө часө
Кыскө ловъя эзысьөн бур тыв,
Видзис тайө мусө, тайө васө,
Видзёны кыз медбур

сьыланкыв.



Со видзёд,
Кызди туйсö лымыйс толö,
Лёк турöб лэптö
Ывла вылас вен,
А меным колö,
Меным талун колö
Кöть кыв джын шуны,
Мыйкö шуны тэн.
Öд буретш сэк,
Кор ёна сьöкыд мöдлы,—
А нэмтö вуджиг
Овлö татшöм здук!—
Тэ некор аслад
Ертъясысь эн пöдлась,
А кортöг лок
Да мöдлысь шогсö юк.
Лöз енэж радейтны
Дзик быдөн пöся кужö,
И ставлы муса
Кыпыд сьыланкыв,
Но турöб лунö
Сöмын буретш чужö
Пöсь сьöлöм пытшкысь
Петан аттьö кыв.

■ ■ ■
Вайöй ог кутöй висьны,
Норасьны олан кадö,
Чöртыс мед öтнас сисьмö
Аслас съöd руа адас.

Врачьяслы уджыд сюрö,
На вöсна оз ков повны:
Дыр на öд васöd нюрад
Вирусyd кутас овны!

Миянлы висьны некор:
Дженьыдöсь весиг войяс!
Медым оз казав некод
Му вылысь вöвлöм дойяс.

Ковмас кө век жö водны
Жаль тöдтöм скаल्पель улö,
Медбөръя дойсö мортлысь
Мед нуас менам кулöм.



Пөрысьман да йөйман,—
Шулывлісны важөн.
Талун дзикөдз вөйми
Ныв-зонлөн бур гажөн.

Томлун, гашкө, көсйө
Бергөдчывны бара?
Тадз жө коркө өзйис
Дас көкъямыс арөс.

Лысва вывті муна
Аслам муса ыбө,
Некор өд ог вунөд,
Кызди шонді лыбө!

Дөрөм соскөс пуджа
Гыррдзаысь на вылө,
Медым кыпыд уджас
Лишнөй гөсөй сылө.

Пөрысьлунысь, мудзысь,
Майбыр, оз ков повны,
Нэм помөдз мед судза
Сөмын морт ног овны!

■ ■ ■
Важөн муні Сыктыв вылысь йи,
Шоныд зэрыс киссьё куим вожён.
Көні,

кутшөм эрдын, муса пи,
Колльөдны тэ кутан коймөд гожөм?
Гижан сөмын вит кыв: «Ставыс бур,
Узьё көть салдат, а служба мунё водзё»...
Чужан му и тэнсьыд лөз Амур
Вунөдлыны коркө өмөй позьё?

Унджык төдны, гашкө, оз и ков,
Сы лыдын и аслад пөрысь батьлы,
Кодлы му шар джыныйс лыдтөм во
Висьтавыны тшөтш кутас ыджыд аттьё.

Веськыд туйным некор дзик оз ор,
Вуджны көть и бара ковмас биөд...
Пөрысьмөны мудзөм батьяс кор,
Кыпөдчөны на пыдди сэк пиян

Сюся видзны ставсө, мый пыр том,
Ыджыд правда йөзлы водзё нуны.
Воас кад, кор тышлы воас пом,
Ыджыдавыны кутас сөмын тулыс.



Надеяӧс эг на вошты,
Лыдтӧм мӧвпӧн юрӧй жуӧ..
Гашкӧ, туйын падмӧм пошта
Чужан муысь ваяс юӧр.

Вой тӧв пӧлыштас кӧ, кыла
Мыйкӧ тӧдсаӧс да асӧс.
Ой, тэ кутшӧм, кутшӧм ылын,
Миян паськыд, гажа раскӧй!

Кодзув серти войын тӧда,
Кытчӧ кысьӧ ӧти ордым.
Мыйла сӧмын лӧбач рӧдлы
Кодкӧ сетӧс кокни бордьяс!

Ассым мыжӧс пыка гусьӧн:
Сетлӧ кыв, но эг куж воны..
Медся ыджыд шог кӧ усьӧ,—
Вошӧм мортӧн коркӧ лоны.

БАРА ОГӨ ТӨРӨЙ ӨТИ ПОЗЙӨ

Бара огө төрөй өти позйө,
Ырьянитны кыкнанным пыр вөйөсь...
Мыйла нө ми,
 быттьө торъя розъяс,
Өта-мөдысь янсавлытөм гозъя
Коръяскө тшөтш овлам татшөм йөйөсь?

Абу кокни олан туйтө вуджны,
Өти шуд нель киөн өтвыв дорны.
Видзны муслун колө ёна кужны,
Кужны колө тшөтш и прөща корны.

Гашкө, коркө чужасны выль войтыр,
Мездмасны быд вуджөрысь да няйтысь,
Донаджык сэк лоө синва войтыд
Миян кадө ветлысь эзысь шайтысь.

Татшөм мича асывсө ми тэкөд,
Вермас лоны, донаөй, ог аддзөй...
Медым өні, ыджыд кыа петіг,
Кыкнаннымөс кутас сотны яндзим.

■ ■ ■
Еджыд ракаон ог кӧсйы лоны,
Гӧгӧрвоа ассьым грек и мыж:
Ме вылӧ кӧ кодкӧ кутас воны,
Лэчта сылы паныд ассьым гыж.

Вӧвлӧм няйтись эз на мездмы долӧй,
Сибдӧс сӧйӧ, кызди лӧльӧ кыш.
Нитшкассьӧмысь кадысь кадӧ колӧ
Мездыны и менсьым пӧрысь мыш.

Веськыд кывйыд овлӧ пыр зэв курыд,
Кывзыны да ланьтны колӧ вын.
Атьӧ сылы,
Кодӧ ышмӧм юрысь
Неуна кӧть вӧтлас ышман тшын.

Медым ставыс ӧртъяс пӧвстын кывсяс,
Видзӧдлыны веськыда ог пов...
Таысь бурджык
Некутшӧм мӧд пывсян
Ӧнӧ сӧсся му вылын оз ков!

■ ■ ■
Завидь сьёлөмтө кө йирө,
Сылы, муса друг, эн сетчы,
Медым прөста тэнад вирыд
Нинөм абуысь оз пессьы.

Абу ставыс сын шудыс,
Мыйын мукөд дырйи чайтам,
Но өд ог на бура кужой
Збыльысь шудсө юкны няйтысь.

Бывті ичөт сылы доныс,
Мича кывъяс коді дольö...
Мый нө сылөн олөм помысь
Йөзлы бурыс нөшта кольö?

Мөдлы ачыс сөмын муса,
Сэсся быдтор динө көдзыд.
Медым мыйөн колө шусьö,—
Прөста бур йөз пөвстас жөдзө!

Аслад тшаплунөн эн лөстав,
Тувсов енэжсө эн тшынөд...
Завидьлун мед вөлі сөстөм,
Қызди миян войвыв сынөд.



ИЛЬИЧЛӨН ЛАМПОЧКА

Паметь кудйын видзам
Вывті уна
Казьтылана
Серпасъяссө ми...

Пөрысьмыны куті,
Но эг вунөд,
Сиктын кызди өзйис
Югыз би.
Пызан увті
Ветлі сэки подөн,
Пеша бердысь
Дасысь кысьті вор.
Кытысь төдны,
Пырис кутшөм могөн
Миян тшына керкаө
Монтёр!
Эз монтёр,—
Сэк татшөм ним эг кывлөй!—
Карысь воліс сюсь да
Төлка зон.
Пеша весьтө,
Кодлөн тшын эз сывлыв,
Провод помө
Крукаліс патрон.
Мамө шөпкис:
— Ен мед видзас грекысь!..
Восьса вомөн

Вывлань дзоргис бать,
Ошодчис кор
Керка йирксянь лек моз
Кляничаысь вочём
Югьд гадь.
Паччорысь тшотш лэччис
Синтём дедё,
Кодлысь синсё
Сейис пеша би,
Сэрöглань жö
Нюжödчис да лэччис
Сартас тор моз
Сылön косьмём ки.
Вöлі рыт,
Кор войыс лунсö зырö,
Кодзувъясысь тэчö
Ассьыс дзуг,
Керкааным
Нем виччысьтöг пырис
Шондi,
Зарни шондi пырис друг!
— Енмöй!..— сöмын артмис
Менам мамлön,
Кыв джын бательы,
Тыдалö, эз шед...
Дзикöдз воштіс
Тайö рытö сямсö
Югьд билы паньд
Сувтём дед.
— Аддза!!!— горзіс.—
Кыланьд-ö?! Аддза!..
Бан боктыс кывтіс
Синва войт.
Ошиньясын ворсіс
Кыа раддзөн
Парма сайысь воём
Пемыд вой.
Медводз батьö
Аслас саяс воис,
Нöбъяліс
Лёк пешакöд и вор,
Пасьтасьтöгыс нуис
Тайö войын

Сэтчө, көні скөра
Бузгис шор...
Нинөм дзик эг содты
И эг мичмөд,
Вөрзёодны важ вөвлөмтор
Эг пов.
Ломзис кодыр
Лампочка Ильичлөн,
Мича кывйыд
Сы динө эз ков.
Ставсө ачыс аддзис
Керка стенсянь
Медся дона,
Медся муса морт...
Овны кутас,
Овны кутас нәмьяс
Миян югыд шудын
Ленин ёрт!

ИВАН ЗАРУБИН ДА СЫЛӨН ЁРТЪЯС ЙЫЛЫСЬ БАЛЛАДА

*Найö быд вой петалöны братскöй
гуысь видзöдлыны чужан му вы-
лас.*

(Йöз кост сёрниысь.)

1.

Сэн, көні югъялө
Подчерём ю,
Эм гулыд яг вылын
Зэв ыджыд гу,
Сус пуяс сыв пытшкө
Век кежлө тан
Ланьтöма удал
Зарубин Иван.
Вöрыслөн шувгöмыс
Шогысла нор:
Збой командир дiнас
Сизимдас ёрт.
Петисны найö, кор
Гымалис гым,
Шуд корсьны сьöлöмныс
Быдөнлөн пым.
Тыш биын век кежлө
Унмовсис тан
Аслас отрядкөд
Зарубин Иван.
Вöрыслөн шувгöмыс
Сийөн и нор,—
Смел командир дiнас
Сизимдас ёрт...

2.

Сывъялас мусö кор
Сьöд войлөн йир,
Кыпöдчас гусыс сэк

Збой командир.
— Видзёдлэй,— чукөстас
Другъяссө,— ті:
Войвывтө югдөдіс
Зэв уна би;
Сэн, көні тшыг пыкис
Гөль коми морт,—
Кыланнуд? — кыпөдчө
Сыланкыв гор!..
Вештасны гу вылысь
Лымлысь кыз вон,
Чеччасны-сувтасны
Сизимдас зон.
Өтилөн ранаыс
Морөсас кык,
Мөдөс и коймөдөс
Кырлөма штык.
Татшөм жө вөлі сэк
Йирмөга вой,
Паніс Зарубин кор
Медбөръя бой.
Мыйла нө кодзулыс
Гора эз бөрд?
Кодзувлөн, шуөны,
Сьөлөмыс көрт.
Гуся да зумыд жө
Понъяслөн кытш.
Медбөръя морт уси,
Медбөръя тыш...
Вештөны гу вывсьыс
Лымлысь кыз вон,
Чеччөны-сувтөны
Сизимдас зон.
— Ас чужан мулань жө
Дзоргам и ми,
Кытчаны, Зарубин, тэ
Веськөдін ки.
Ой, кутшөм енежыс
Сы весьтын лөз!
Со кутшөм быдмөны
Сылөн выль йөз!
Нуөд вай на дінө,
Збой командир!

Налы ми козьналім
Ассыным вир.

3.

Кыаыс разөдө
Яг весьтысь ру,
Медводдза югөрөн
Киськалө му.
Сус пуяс сувтісны
Сы бердө чөв,
Медым эз вильшась сәи
Дөзмөдчысь төв.
Шуоны, бара пө
Воас кор вой,
Садьмас кыз му улын
Кувлытөм дой.
Сувтасны усьөмъяс
Сывъявны эрд,
Кодөс лым шебравлө,
Ловзьөдө зэр.
Татшөм му некытысь,
Некор оз сюр..
Усьөм геройяслы
Копыртлөй юр!

КОКТӨМ МОРТ

Быдөн кокабсь,
А тайө коктөм,
Беддясигтыр уличаті локтө.
Быдөн нюмъялөны —
А тайө зумыш,
Донтөм шутка шыбитны оз думышт.
Коркө вөвлі быдөн кодь жө тэрыб,
Кужис ворсны пилаөн и черөн,
Босьтны гөтырпусө вына сойөн
Дзоридзьясөн өвтысь тувсов войө.
Важөн тайө вөлі...
Вывті важөн!
Өні сылөн кык көстыль став гажыс,
Кык көстыль да пенсионной книжка,
Вурысьяс да дойяс коді йнджтіс.
Кызди ставыс лои — оз и помнит,
Эз көть вөв сэк ачыс вывті том нин.
Сы вылө и лөсьөдөны мина —
Көинөс моз мортөс медым вины.
Но эз вины!
Сьөлөмыс эз сетчы,
Шонді сылөн син улысь эз лэччы,
Вөрлысь шувгөм, лэбачьяслысь сьылөм
Медводз сійө казялө да кылө.
...Быдөн кокабсь,
А тайө коктөм.
Беддясигтыр уличаті локтө.
Кежыштөй, министрьяс,
Кежөй, зоньяс,
Сійө аслас олөмнас эз доньясь,
Уськөдчис кор восьса синмөн биө...
Копыртчылөй коктөм мортлы, пьян!

ТАЛУН ДЗЕБӨНҮ МОРТӨС

Талун дзебөны мортөс...

Да оз ыджыд чинъяса мортөс,
Катафалк вылө сылысь

Оз лэптыны кокныдик горт,—
Сійөс босьтисны ки вылас

Ланьтөмөн восьлалысь ёртъяс,
Кызди лэптөны му вылысь

Лэбачлысь чегъясьөм борд.

Бөрдө өтнас оркестр

Да и сійө оз кладбище дорөдз
(Вывті уна пө ворсөмысь

Босьтасны мынтысян дон!),

Сөмын шонділысь син пөвсө

Енэжысь некод оз орөд,—

Сійө видзөдө вылісянь

Пыр өзйысь өгыр кодь дон.

Сувтлөй... Кодөс да мыйла ме

Туй вылысь сувтөдны көсья?

Кувсьөм войтырөс эрд вылын,

Кажитчө, некод оз видз,

Кынмөм сьөлөмыс некор нин

Мөдысь оз вөрзъы да өзйы,

Сійөс ловзьөдны некутшөм вын

Да лекарство оз сидз.

Көркө кувся и ме...

Абу ылын нин чергөдчан кадыс,

Кодыр сывъялас ачымөс

Көдзыда лолалысь му.

Олөм помасьө сидз,

Кызди войтырлөн вежөдысь садйысь

Усьө кок йывсьыс косьмөм

Да важөн нин нёровтчөм пу.

Мыйла та йылысь сёрнисө

Водзвыв да виччысьтөг пана,

Бура кыла на сьөлөмлысь

Неуна збоялан гор...

Кувсис,— төданныд он?—

Муніс ми дінысь век кежлө талун,

Гашкө, зэв уна йөз лыдысь

Медыджыд сьөлөма морт.

Сылы чинъяс эз ковлыны,
Төдчөдны асьсө эз көсйив,
Ыджыд пенсия некодлысь
Асланьыс мырдөн эз юк.
Өти войтөдз став вын,
Аслас сьөлөмлысь медбөръя пöсьлун
Сийө сетис дзик өтнадлы тэн,
Миян Рөдина-му!
Сьөрсьыс некод эз нулы на
Весигтө көдзалөм ловсө,
Но и му вылас, овлывлө,
Ыджыд оз кольывлы пас,
Сөмын, медтыкө, йөз серти
Ёнджыка кокниа овсис
Да мед йөз серти сёрөнджык
Матыстчис медбөръя час.
Татшөм олөмтө зывөктис морт,
Кодөс колльодам талун:
Тышын пыр вөлі водзын,
И удж вылө корны эз ков,
Няйттө нимтыны няйтөн
Пыр дась вөлі медыджыд залың,
И начальниклысь дышлунсө
Бертыштни кывнас эз пов.
Татшөм мортыслы памятник эськө..
Но изйыс оз тырмы,
Частө видзам ми сийөс
Ог колана ногөн, а сідз..
Югыз олөмө петтөдзын,
Тыдалө-тыдалө, дыр на
Ми ог велалөй аддзыны
Войтырлысь медыджыд мич!

ЮРИНДАЛЫСЬ

1

Коми му	3
Медбөръя чөвлун	4
Вуктыл	5
Завидьлун	6
Пармаса принцесса	7
Посёлокын вой	8
Кывтö енэжті кöдзыд кымöр	9
Бурильщикъяс йылысь баллада	10
Парторг	11
Важ Слöбöда дорын	13
Мичлун	14
Эжва карысь письмö	15
Тувсов вальс	16
Асыв	17
Вөр керкаын	18
Илыч йылын	19
«Вөр-ва олöмын эм»	20
Гора тулыс	21
«Тайö войö эн узь»	22
«Дивуйтча муон и ваон»	23
«Ставыс, мый аддза, чудö»	24
«Киссьö шоныд тувсов зэр»	25
«Тöрыт на быттьökö йиркöдчис гым»	26
«Видз выв öвтö маон»	27
«Енэжыс быттьö розя»	28
«Дзик быдөн сöмын сійöс кöсийö»	29
Вөрöд шöйтi	30
Полонез	31
«Сьöd дзоридз некор оз овлы»	32
Турöб	33
«Йирмөг арлысь»	34

Медбөртя старöver	35
«Юкмөсө некор эн сьөлалөй»	36
Тарапа ты дорын	37
Печора весьтын арся вой	38
Бара пукалам аэропортын	39
«Дженьыд тэ, войывса гожом»	40
«Чайтанныд ті, вөлыд сөмын гөрдлө?»	41
«Бур мамлы дона ныв и пи»	42
«Ичөтдырся мывкылдөн да сямөн»	43
«Дедыс уджаліс нэмсө»	44
«Поезд янсөдө да йитө»	45
«Лишалан көпейка зептын абу»	46
Биын оз сотчы	47
Ленин орден	48
Тані вөлі чорыд бой	49
«Кодзувъяс бара вөрөны»	50
«Ты шөрын купайтчө төлысь»	51
Заповедник	52
Пашняө туй	53
Гулыд ягын	54
Дедлөн вөралан керка	55
Сьыланкыв	56
«Кутшөм луно, кутшөм часө»	57
«Бара кывтө Руза вывті йи»	58
Вөралысь	59
Ветлы көть дас му сайө	60

2

Сөвесь	61
Бипур бердса дружба	62
«Став енэж аслас помтөм отнас»	63
Өтчыд нэмын	64
Кор турөб дурө	65
Лым ув дзоридз	66
Радейтны эг кужөй	67
Руа арын	68
Чужан кыв кедзовтысьяслы	69
Шонді бара ветлө	70
Төда	71
Челядь мунөны гортысь	72
Еджыд роза	73
«Пушкаяс оз гымавын нин важөн»	74

«Дасысь суйлас пошта кудйö кисö»	75
Слепöкур	76
Амур весьтын асыв	77
Усьö лым	78
«Дыр на, дыр на казътывны»	79
Верный карын Куратовлөн медбөръя вои	80
Карелия йылысь кывбуръяс	81
Карадаг йылысь	83
Рафаэль	84
Кык пöрысь кылöдчысь	85
Кузь сыръя чышъян	86
Видз олан, шоньд море!	87
«Лолала Сочи сынöдөн»	88
«Кутшöм паськыд тэ, Россия»	89
«Мортлы колö чöвлун»	90
«Ассьым нэмöс, тыдалö нин, оли»	91
«Со видзöд»	92
«Вайöй ог кутöй висьны»	93
«Пöрысьман да йöйман»	94
«Важөн мунис Сыктыв вылысь йи»	95
«Надеяöс эг на вошты»	96
Бара огö тöрöй öти позйö	97
«Еджыд ракаөн ог кöсьы лоны»	98
«Завидь сёлöмтö кö йирö»	99

3

Ильичлөн лампочка	100
Иван Зарубин да сылөн ёртъяс йылысь баллада	103
Коктöм морт	106
Талун дзёбöны мортöс	107

Серафим Алексеевич Попов

ЛЮБОВЬ

Стихотворения

На коми языке

Художник П. М. МИТЮШЕВ

Редактор В. А. Попов

Худож.-редактор М. П. Безносков

Техн. редактор А. Н. Вишнева

Корректор А. А. Надуткина



Сдано в набор 28/VII-1970 г. Подписано
к печати 20/X-1970 г. Формат 70×90^{1/2}_{аз.}
Печ. л. 4,1; бум. л. 1,75; уч-изд. л. 3,53.
Тираж 1500. Ц01586. Заказ № 4412.
Цена 36 коп. Бумага № 1.

Коми книжное издательство. Сыктывкар,
Дом печати.



г. Сыктывкар, Республиканская
типография Управления по печати
при Совете Министров Коми АССР.

36 кӧп.

КОМИ КНИЖНОЙ ИЗДАТЕЛЬСТВО 1970